



Gemeinde Celerina
Vschinauncha da Schlarigna

Revisiun da la planisaziun locala; decretaziun d'üna zona da planisaziun

Sün basa da l'artichel 21 da la Ledscha davart la planisaziun dal territori pel chantun Grischun (LPTGR) e sün basa da la disposiziun departamentela dal Departamaint per economia publica e fats sociels dal Grischun dals 17 avrigl 2025 ho la suprastanza cumünela da Schlarigna decreto a chaschun da sia tschanteda dals 26 meg 2025 da prolunger la

zona da planisaziun

decretada als 27 gün 2022 cun la seguainta mira:

- Protecziun da la revisiun generela currainta da la ledscha da fabrica e dals plauns da l'uorden fundamentel, in speziel in regard a müdedas intenziunadas da las zonas da fabrica e d'otras zonas d'utilisaziun scu eir in regard a l'utilisaziun economica dal terrain, als sectuors da furmaziun ed objects da furmaziun scu eir a la concepziun da progets da fabrica.

La zona da planisaziun vela per l'inter territori da la vschinauncha da Schlarigna. Illa zona da planisaziun nu suos-cha gnir fat ünguotta chi pudess render difficila u impedir la nouva planisaziun. Impustüt suos-cha progets da fabrica e müdamaints da l'intent be gnir permiss, sch'els nu cuntradeschan ne a las planisaziuns e prescripziuns in vigur ne a las novas chi sun previsas (art. 21 al. 2 LPTGR).

La prolungiaziun da la zona da planisaziun vela fin a l'entreda in vigur da las novas disposiziuns previsas, il pü da tuot però fin als 30 gün 2026.

La suprastanza s'arsalva il dret da concretiser la zona da planisaziun tuot tenor il stedi actuel da la planisaziun resp. da l'adatter a tel. Quista decretaziun davart la prolungiaziun da la zona da planisaziun po gnir contestada tar la Regenza dal chantun Grischun infra 30 dis daspö la publicaziun a maun d'ün recuors da planisaziun (art. 101 al. 1 LPTGR). La zona da planisaziun vain publisheda i'l Fögl ufficiel dal chantun Grischun ed illa Engadiner Post/Posta Ladina.

La suprastanza cumünela da Schlarigna

Schlarigna, ils 5 gün 2025